

Gotepoldus Patriarcha sedit annis XVII. qui etiam de Gradenſi plebe proclamavit: & tam per Alexandrum II. quam per Henricum Imperatorem III. dicta plebs adjudicata est: & per utroſque ſuper XVI. Episcopatus prædictos, & de Regalibus data poteſtas. Hic conſtruxit Monasterium S. Stephani de Aquilegia, in quo erant Canonici regulares, nunc autem ſeculares. Huic etiam conceſſit, & dedit dictus Imperator Ducatum Forojulii, & Marchiam Iſtriæ, & multa alia largitus. Super ejus monumentum in Aquilegia hi verſus ſcripti ſunt:

*Hic Gotepoldus jacet miſer in monumento (a)*  
*Hic Præſul dictus nomine, non merito.*  
*Sed quia mortalis me peior non erat ullus,*  
*Chriſte Fili miſere mei.*  
*A morte perpetua libera Domine.*  
*Crux mihi ſit requies,*  
*Et crux mihi ſancta ſalus.*

Ravongerus Patriarcha ſedit annis IV. (b)  
Sigewardus Patriarcha ſedit annis IX. (c) Huic Henricus III. dedit Marchiam Carniolæ, & multa alia privilegia conceſſit, & conceſſa per alios confirmavit. Et Urbanus Papa II. ea omnia confirmavit circa annos Domini M. LXXXIX. (d)

Henricus Patriarcha ſedit annis VI. (e)  
Federicus Patriarcha ſedit anno I. (f)

Vodalricus Patriarcha ſedit annis XXXVII. (g)  
Hic cum Henrico Imperatore IV. Romam vadens pro ipſius coronatione, propter diſcordiam quæ erat inter Paſchalem Papam & ipſum Henricum, Paſchalis capitur: & dicto Vodalrico traditur cuſtodendus; cui idem Vodalricus non ſicut cuſtos, ſed ſicut humilis ſervus famulabatur. Tandem factis compositionibus, Henricus coronatur: & procurante eodem Patriarcha, pax firma inter Imperatorem, & Papam facta eſt. Propter quod tam a Papa, quam ab Imperatore gratias multas obtinuit.

Gerardus Patriarcha ſedit annis IX. Hic de villa Premariaci juxta Civitatem Auſtriam ortus, apud eandem plenus bonis operibus migravit ad Chriſtum.

Pelegrinus Patriarcha ſedit annis XXXI. Tempore iſtius (h) Honorius II. Papa fuit in Aquilegia. Hujus etiam tempore a Papa Innocentio II. coronatur Lotarius Imperator: cui coronationi interfuit idem Pelegrinus, & de Regalibus fuit ab ipſo Imperatore ſolemniter inveſtitus. (i)

Gotofredus ſedit annis (k) XII. Hic de regali proſapia ortus, Eccleſiam ſuam mira prudentia gubernavit.

Vodalricus II. ſedit annis XX. (l) Qui legatus Apoſtolica Sede factus, Federici I. conſanguineus, tam ab Adriano IV. quam Alexandro III. confirmationes privilegiorum obtinuit. Huic dictus Federicus omnia privilegia imperialia & regalia confirmans, Marchiam Iſtriæ, & Carniolæ Ducatum, & Comitatum Forojulii, & multa alia loca & Caſtra, & terram inter Plavim & Lipientiam jacentem conceſſit, & per alios conceſſa confirmavit. Dedit etiam eidem Patriarchæ & Eccleſiæ Aquilegenſi Montem ſilicis cum omnibus ſuis appendiciis. Et poſt reconciliationem factam inter Alexandrum III. & Imperatorem, fecit idem Imperator dictum Vodalricum Patriarcham per totam Italiam ſuum Vicarium generalem. Hic duplicem habuit legationem. Jacet in Aquilegia, in cujus monumento inſcripti verſus ſunt:

*Alter Volricus jacet hic Patriarcha benignus.*  
*Fluctibus illeſam ſchiſmatis Eccleſiam*  
*Rexit, ditavit; Fratres hos ipſe beavit:*  
*Cum juſtis maneat, gaudia poſſideat. (m)*

Peregrinus II. (n) ſedit annis XIV. (o) Iſte fecit multa bona Eccleſiis, & inter alia reparavit Eccleſiam Civitatenſem, & decoravit multis candelodis, & fecit Tabulam argenteam valde pulchram in dicta Eccleſia; verum mirabilem in Eccleſia Aquilegenſi, quæ per Paſtorum incuriam poſt longum tempus fuit Venetis pignolata, quam ipſi Veneti hodie pro pretioſo ſervant theſauro. Iſte primo cœpit amicitiam contrahere cum Venetis.

Volkerus ſedit annis XIII. (p) Hic ab Henrico V. & Ottone IV. confirmationes privilegiorum obtinuit, & coram eis, & coram Federico II. Marchionatum Iſtriæ.

IV.

*Chronicon tertium Patriarcharum Aquilegenſium, Volcheri, & ſucceſſorum.*

Volcherus Patriarcha ſedit annis XIII. (q) Hic ab Henrico V. & Ottone IV. confirmationes privilegiorum obtinuit; & coram eis, & coram Federico II. Marchionatum Iſtriæ, quem Dux Bavarie Ludovicus nomine tenebat; per ſententiam Principum obtinuit: & reſignatione facta per ipſum Ducem de hujusmodi Marchionatu, per omnes Imperatores prædictos dictus Patriarcha ſucceſſive inveſtitus eſt. Cui etiam dictus Otto Montemſilicis conceſſit, & dedit. Hic multa ſanctitatis opera in vita ſua fecit, quæ Deus poſt ejus obitum demonſtravit. Nam ejus tumba marmorea in Eccleſia Aquilegenſi in aere diu pependit circumquaque quatuor digitis ſuper terram. Adhuc ſolum in uno angulo modicum tangit de terra, & alii tres anguli minime tangunt. Hic etiam dicitur, quod Mater ejus veniens viſitare, & reperiens eum mortuum dixit, *Heu fili mi, quid mihi das ut tecum portem;* & elevavit brachium, & Mater ſua accepit & ſecum portavit.

Bertholdus Patriarcha ſedit annis XXIII. (r) Ducis Meranie filius fuit, & frater Regine Ungarie Matris S. Eliſabeth Landgraviæ. Hic Archiepiſcopus Colcen. exiſtens, eſt in Patriarcham aſſumptus. Qui Federico II. adhærens, & favens uſque ad ipſius deſignationem, honores multos & privilegia pro Eccleſia obtinuit ab eodem. Et multa bona idem Patriarcha cum patre, & matre Eccleſiæ contulit de ipſorum patrimonio, & ſpecialiter in Karinthia, Carniola, & Marchia: Et etiam frater ipſius Patriarchæ omnia jura, quæ

hoc anno, tum decennio ante, Eccleſiam Dei regebat Urbanus II. (e) Apud Murat. & Menſes VI. (f) Ibidem, & Menſes VI. (g) Ibidem, & Menſes VII. dies VII. (h) Apud Muratorum, Henricus II. perperam. (i) Apud Murat. ſequitur Peregrinus Patriarcha II. cui ſedis anni viginti tribuuntur. De ſerie Patriarcharum delendus eſt. (k) Apud Murat. annis XXII. (l) Apud Murat. & Menſes VII. dies VII. (m) Apud Murat. gaudia multa habeat. (n) Apud Muratorum, Peregrinus tertius. (o) & Menſes ſeptem, dies III. (p) Apud Murat. & Menſes VII. (q) Apud Murat. & Menſes VII. (r) Apud Murat. & Menſes IV.

(a) Apud Murat. Hoc ego Gotepoldus jaceo miſer in Monumento, Hic Præſul dictus nomine, non merito.  
(b) Sed quia mortalis me peior non erat ullus, Fili Chriſte Dei, nunc miſere mei.  
(c) Ora pro famulo, Sancta Maria, tuo.  
(d) Perpetua a morte libera me, Domina,  
(e) Crux mihi ſit requies, crux mihi ſancta ſalus.

(f) Apud Murat. menſes X. dies XVIII. de quo nihil reperitur.  
(g) Apud Murat. annis IX. Menſes IV. Henricus quartus.  
(h) Apud Murat. annos Domini M. XCVIII. Tum